

---

OFFERYNNAU STATUDOL  
CYMRU

---

**2022 Rhif 355 (Cy. 88)**

**LLYWODRAETH LEOL,  
CYMRU**

**Rheoliadau Deddf Llywodraeth  
Leol ac Etholiadau (Cymru) 2021  
(Diwygiadau Canlyniadol a  
Darpariaeth Drosiannol) (Prif  
Weithredwyr) 2022**

**NODYN ESBONIADOL**

*(Nid yw'r nodyn hwn yn rhan o'r Rheoliadau)*

Mae'r Rheoliadau hyn yn gwneud diwygiadau sy'n ganlyniadol i adran 54 o Ddeddf Llywodraeth Leol ac Etholiadau (Cymru) 2021 ("Deddf 2021"). Mae adran 54 yn ei gwneud yn ofynnol i brif gynghorau (cynghorau sir a chynghorau bwrdeistref sirol) benodi prif weithredwr. Mae'r gofyniad hwn yn disodli'r gofyniad ar brif gynghorau i ddynodi un o'u swyddogion yn bennaeth eu gwasanaeth taledig o dan adran 4 o Ddeddf Llywodraeth Leol a Thai 1989 ("Deddf 1989").

Mae rheoliad 9(1) yn ddarpariaeth drosiannol, sy'n darparu bod y swyddog a ddynodwyd yn bennaeth gwasanaeth taledig yr awdurdod o dan adran 4 o Ddeddf 1989 yn union cyn 5 Mai 2022 i'w drin fel y prif weithredwr o dan adran 54 o Ddeddf 2021. Mae rheoliad 9(2) yn darparu nad yw'r gyfundrefn benodi a nodir ym mharagraffau 1 a 2 o Ran 1 o Atodlen 1 i Reoliadau Awdurdodau Lleol (Rheolau Sefydlog) (Cymru) 2006 yn gymwys i benaethiaid gwasanaeth taledig sy'n cael eu trin fel prif weithredwyr o dan reoliad 9(1).

Mae rheoliad 10 yn dirymu rheoliad 11 o Reoliadau Awdurdodau Lleol (Rheolau Sefydlog) (Cymru) 2006.

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Rheoliadau hyn. O ganlyniad, ystyriwyd nad oedd yn angenrheidiol cynnal asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn.

---

OFFERYNNAU STATUDOL  
CYMRU

---

**2022 Rhif 355 (Cy. 88)**

**LLYWODRAETH LEOL,  
CYMRU**

**Rheoliadau Deddf Llywodraeth  
Leol ac Etholiadau (Cymru) 2021  
(Diwygiadau Canlyniadol a  
Darpariaeth Drosiannol) (Prif  
Weithredwyr) 2022**

*Gwnaed* 22 Mawrth 2022

*Gosodwyd* *gerbron* *Senedd*  
*Cymru* 25 Mawrth 2022

*Yn dod i rym* 5 Mai 2022

Mae Gweinidogion Cymru yn gwneud y Rheoliadau a ganlyn drwy arfer y pŵer a roddir iddynt gan adran 173(1) o Ddeddf Llywodraeth Leol ac Etholiadau (Cymru) 2021(1) ac adran 8(4) o Ddeddf Llywodraeth Leol a Thai 1989(2).

**Enwi a chychwyn**

1.—(1) Enw'r Rheoliadau hyn yw Rheoliadau Deddf Llywodraeth Leol ac Etholiadau (Cymru) 2021 (Diwygiadau Canlyniadol a Darpariaeth Drosiannol) (Prif Weithredwyr) 2022.

(2) Daw'r Rheoliadau hyn i rym ar 5 Mai 2022.

---

(1) 2021 dsc 1.

(2) 1989 p. 42. Trosglwyddwyd swyddogaethau'r Ysgrifennydd Gwladol o dan adran 8(4), i'r graddau y maent yn arferadwy o ran Cymru, i Gynulliad Cenedlaethol Cymru yn rhinwedd erthygl 2(1) o Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672). Mae'r swyddogaethau hynny bellach yn arferadwy gan Weinidogion Cymru yn rhinwedd adran 162 o Ddeddf Llywodraeth Cymru 2006 (p. 32), a pharagraff 30 o Atodlen 11 iddi.

### Rheoliadau Awdurdodau Lleol (Contractau) 1997

2.—(1) Mae Rheoliadau Awdurdodau Lleol (Contractau) 1997(1) wedi eu diwygio fel a ganlyn.

(2) Yn rheoliad 7(3) (llofnodi tystysgrifau – awdurdodau â phrif swyddog cyllid), ar ôl “1989 Act” mewnosoder “other than a county council or county borough council in Wales,”.

(3) Ar ôl rheoliad 7(3), mewnosoder—

“(4) A county council or county borough council in Wales which is under a duty to appoint a chief executive under section 54 of the Local Government and Elections (Wales) Act 2021 must ensure that a certificate issued by it is signed by one of the following officers of the council—

- (a) one of the statutory chief officers within the meaning given to that expression in section 2(6) of the 1989 Act;
- (b) a non-statutory chief officer within the meaning given to that expression in section 2(7) of the 1989 Act; or
- (c) a deputy chief officer within the meaning given to that expression in section 2(8) of the 1989 Act.”

### Rheoliadau Awdurdodau Lleol (Rheolau Sefydlog) (Cymru) 2006

3.—(1) Mae Rheoliadau Awdurdodau Lleol (Rheolau Sefydlog) (Cymru) 2006(2) wedi eu diwygio fel a ganlyn.

(2) Yn rheoliad 2(3) (dehongli)—

(a) yn y diffiniad o “prif swyddog”, yn lle paragraff (a) rhodder—

“(a) ei brif weithredwr;”;

(b) hepgorer y diffiniad o “pennaeth gwasanaeth taledig yr awdurdod”;

(c) yn y lle priodol, mewnosoder—

“ystyr “prif weithredwr” (“*chief executive*”) yw’r person a benodir yn brif weithredwr o dan adran 54 o Ddeddf Llywodraeth Leol ac Etholiadau (Cymru) 2021;”.

(3) Yn rheoliad 7(2)(a)(4) (rheolau sefydlog yn ymwneud â staff), yn lle “pennaeth gwasanaeth taledig yr awdurdod” rhodder “prif weithredwr yr awdurdod”.

---

(1) O.S. 1997/2862.

(2) O.S. 2006/1275 (Cy. 121).

(3) Y mae diwygiadau iddo nad ydynt yn berthnasol i’r Rheoliadau hyn.

(4) Annewidiwyd rheoliad 7 gan reoliad 6 o O.S. 2014/1514 (Cy. 155).

(4) Yn rheoliad 8(1)(1) (rheolau sefydlog o ran camau disgyblu), yn lle “pennaeth gwasanaeth taledig yr awdurdod” rhodder “prif weithredwr yr awdurdod”.

(5) Yn lle rheoliad 9(1A)(a)(2) (ymchwilio i gamymddwyn honedig) rhodder—

“(a) prif weithredwr yr awdurdod;”.

(6) Yn Rhan 1 o Atodlen 3(3) (awdurdod gyda maer a chabinet gweithredol)—

(a) ym mharagraff 2, yn lle’r geiriau o “y swyddog a ddynodwyd” hyd at y diwedd, rhodder “y person a benodwyd yn brif weithredwr yr awdurdod neu gan swyddog a enwebwyd gan brif weithredwr yr awdurdod”;

(b) yn lle paragraff 3(1)(a) rhodder—

“(a) y person a benodwyd yn brif weithredwr yr awdurdod;”;

(c) ym mharagraff 4(1), yn lle “swyddog a ddynodwyd yn bennaeth gwasanaeth taledig yr awdurdod” rhodder “person a benodwyd yn brif weithredwr yr awdurdod”.

(7) Yn Rhan 2 o Atodlen 3(4) (awdurdod gydag arweinydd a chabinet gweithredol)—

(a) ym mharagraff 2, yn lle’r geiriau o “y swyddog a ddynodwyd” hyd at y diwedd, rhodder “y person a benodwyd yn brif weithredwr yr awdurdod neu gan swyddog a enwebwyd gan brif weithredwr yr awdurdod”;

(b) yn lle paragraff 3(1)(a) rhodder—

“(a) y person a benodwyd yn brif weithredwr yr awdurdod;”;

(c) ym mharagraff 4(1), yn lle “swyddog a ddynodwyd yn bennaeth gwasanaeth taledig yr awdurdod” rhodder “person a benodwyd yn brif weithredwr yr awdurdod”.

(8) Yn Atodlen 4(5) (darpariaethau i’w hymgorffori yn y rheolau sefydlog parthed camau disgyblu)—

(a) ym mharagraff 1, yn lle “pennaeth gwasanaeth taledig yr awdurdod” (“*head of the authority’s paid service*”) rhodder “prif weithredwr” (“*chief executive*”);

(b) ym mharagraff 2(1), yn lle “pennaeth gwasanaeth taledig yr awdurdod” rhodder “prif weithredwr yr awdurdod”.

---

(1) Diwygiwyd rheoliad 8 gan reoliad 7 o O.S. 2014/1514.  
 (2) Amnewidiwyd rheoliad 9(1A) gan reoliad 8 o O.S. 2014/1514.  
 (3) Diwygiwyd Rhan 1 o Atodlen 3 gan reoliad 10(1) o O.S. 2014/1514.  
 (4) Diwygiwyd Rhan 2 o Atodlen 3 gan reoliad 10(2) o O.S. 2014/1514.  
 (5) Diwygiwyd Atodlen 4 gan reoliad 11 o O.S. 2014/1514.

**Rheoliadau Awdurdodau Lleol (Trefniadau Gweithrediaeth) (Swyddogaethau a Chyfrifoldebau) (Cymru) 2007**

4.—(1) Mae paragraff 12 o Ran Ff (swyddogaethau amrywiol) o'r tabl yn Atodlen 1 (swyddogaethau nad ydynt i fod yn gyfrifoldeb i weithrediaeth awdurdod) i Reoliadau Awdurdodau Lleol (Trefniadau Gweithrediaeth) (Swyddogaethau a Chyfrifoldebau) (Cymru) 2007(1) wedi ei ddiwygio fel a ganlyn.

(2) Yn lle'r cofnod yng ngholofn 1, rhodder “Y ddyletswydd i benodi prif weithredwr, ac i ddarparu staff, etc.”

(3) Yn lle'r cofnod yng ngholofn 2, rhodder “Adran 54(1) a (6) o Ddeddf Llywodraeth Leol ac Etholiadau (Cymru) 2021.”

**Gorchymyn Awdurdodau Lleol (Cod Ymddygiad Enghreifftiol) (Cymru) 2008**

5. Yng Ngorchymyn Awdurdodau Lleol (Cod Ymddygiad Enghreifftiol) (Cymru) 2008(2), ym mharagraff 8(a)(i) o Ran 1 o'r Atodlen (y cod ymddygiad enghreifftiol), ar y diwedd mewnosoder “ar gyfer awdurdodau heblaw cynghorau sir a chynghorau bwrdeistref sirol, a phrif weithredwr yr awdurdod os yw'r awdurdod yn gyngor sir neu'n gyngor bwrdeistref sirol”.

**Rheoliadau Cynlluniau Gostyngiadau'r Dreth Gyngor (Darganfod Twyll a Gorfodi) (Cymru) 2013**

6. Yn Rheoliadau Cynlluniau Gostyngiadau'r Dreth Gyngor (Darganfod Twyll a Gorfodi) (Cymru) 2013(3), yn lle rheoliad 3(5)(a) (awdurdodiadau gan awdurdodau bilio) rhodder—

“(a) y prif weithredwr a benodwyd o dan adran 54 o Ddeddf Llywodraeth Leol ac Etholiadau (Cymru) 2021; neu”.

**Rheoliadau Cyfrifon ac Archwilio (Cymru) 2014**

7.—(1) Yn Rheoliadau Cyfrifon ac Archwilio (Cymru) 2014(4), mae rheoliad 9(8) (datganiad o dâl) wedi ei ddiwygio fel a ganlyn.

(2) Yn y diffiniad o “prif weithredwr”—

(a) ym mharagraff (a), hepgorer y geiriau “gyngor sir neu'n gyngor bwrdeistref sirol,”;

---

(1) O.S. 2007/399 (Cy. 45), y mae diwygiadau iddynt nad ydynt yn berthnasol i'r Rheoliadau hyn.  
 (2) O.S. 2008/788 (Cy. 82).  
 (3) O.S. 2013/588 (Cy. 67), y mae diwygiadau iddynt nad ydynt yn berthnasol i'r Rheoliadau hyn.  
 (4) O.S. 2014/3362 (Cy. 337), y mae diwygiadau iddynt nad ydynt yn berthnasol i'r Rheoliadau hyn.

(b) ar ôl is-baragraff (a) mewnosoder—

“(aa) yn achos corff perthnasol sy’n gyngor sir neu’n gyngor bwrdeistref sirol, y prif weithredwr a benodwyd o dan adran 54 o Ddeddf 2021;”.

(3) Yn y diffiniad o “cyflogai hŷn”, yn lle paragraff (a)(i) rhodder—

“(i) yn achos corff perthnasol heblaw cyngor sir neu gyngor bwrdeistref sirol, wedi ei ddynodi yn bennaeth y gwasanaeth cyflogedig o dan adran 4 o’r Ddeddf honno, ac yn achos cyngor sir neu gyngor bwrdeistref sirol, wedi ei benodi yn brif weithredwr o dan adran 54 o Ddeddf 2021;”.

#### **Rheoliadau Atal Twyll Tai Cymdeithasol (Darganfod Twyll) (Cymru) 2014**

**8.** Yn Rheoliadau Atal Twyll Tai Cymdeithasol (Darganfod Twyll) (Cymru) 2014<sup>(1)</sup>, yn lle rheoliad 3(5)(a) (awdurdodiad gan awdurdodau lleol) rhodder—

“(a) y swyddog a benodwyd yn brif weithredwr o dan adran 54 o Ddeddf Llywodraeth Leol ac Etholiadau (Cymru) 2021; neu”.

#### **Darpariaeth drosiannol sy’n ymwneud â swyddogion cyfredol a ddynodwyd yn bennaethiaid y gwasanaeth taledig**

**9.**—(1) Mae’r swyddog a ddynodwyd yn bennaeth gwasanaeth taledig y cyngor sir neu’r cyngor bwrdeistref sirol yn union cyn 5 Mai 2022 i’w drin fel y prif weithredwr a benodwyd o dan adran 54 o Ddeddf Llywodraeth Leol ac Etholiadau (Cymru) 2021.

(2) Nid yw’r swyddog a ddynodwyd yn bennaeth gwasanaeth taledig y cyngor sir neu’r cyngor bwrdeistref sirol yn union cyn 5 Mai 2022 yn ddarostyngedig i’r broses benodi o dan baragraffau 1 a 2 o Ran 1 o Atodlen 1 i Reoliadau Awdurdodau Lleol (Rheolau Sefydlog) (Cymru) 2006 at ddibenion paragraff (1).

---

(1) O.S. 2014/826 (Cy. 84).

**Dirymu**

**10.** Mae rheoliad 11 (darpariaethau trosiannol a chanlyniadol) o Reoliadau Awdurdodau Lleol (Rheolau Sefydlog) (Cymru) 2006 wedi ei ddirymu.

*Rebecca Evans*

Y Gweinidog Cyllid a Llywodraeth Leol, un o  
Weinidogion Cymru  
22 Mawrth 2022